

बोयतो करे पुकार बाबा

रुणिचे रा राजवी म्हाने अब थारो सहारो
कोई भूल होई तो माफ करो, अब थे ना विसारो
ओ डगमग डोले नाव म्हारी, कोई मिले ना किनारो

बोयतो बुकारे बाबा, बेगा पधारो
ओ डूबतोडि नाव म्हारी पार उतारो

दुखां री घडी है बाबा, संकट भी भारी
मेणा दे रा लाल सुनो अरज थे म्हारी
ओ मेणा दे रा लाल सुनो अरज थे म्हारी
कष्ट सू बाबा म्हाने आगे उबारो
बोयतो बुकारे बाबा, बेगा पधारो
डूबतोडि नाव म्हारी पार उतारो

हेलो म्हारो सुनियो थे, अजमल रा लाला
हिवडे सू ध्यान लगावां, धनिया रुणिचे वाला
भीड़ पड़ी है बाबा, भीड़ पड़ी है धनिया, जूण सुधारो
बोयतो बुकारे बाबा, बेगा पधारो
ओ डूबतोडि नाव म्हारी पार उतारो

नीले चढ़कर आयो बाबो, देर ना लगाई
बोयते री नाव बाबा पल में तिराई
बोयते री नाव धनिया पल में तिराई
विनोद सज्जन संग बाबा जस थारो गाओ
बोयतो बुकारे बाबा, बेगा पधारो
डूबतोडि नाव धनिया पार उतारो

मामराज लोहरा ख़ाजुवाला

<https://bhajanganga.com/bhajan/lyrics/id/36282/title/boyato-kare-pukar-baba>

अपने Android मोबाइल पर [BhajanGanga](#) App डाउनलोड करें और भजनों का आनंद ले |